

摘藻堂四庫全書薈要

史部

欽定四庫全書薈要

史部

皇朝禮器圖式卷十五

詳校官編修臣繆晉



欽定四庫全書薈要卷八千三百九十九


史部

皇朝禮器圖式卷十五

武備三 武具二



皇帝大閱佩刀



皇帝大閱佩刀


謹按詩小雅鞞琫有珌毛萇傳琫上

飾珌下飾大雅鞞琫容刀孔穎達疏容飾之刀鞞者刀鞘之名後漢書輿服志佩刀乘輿黃金通身貂錯半鮫魚鱗金漆錯雌黃室五色蜀隱室華百官志尚方令掌作御刀劍乾隆十三年

欽定大閱佩刀鍊鐵為之通長二尺七寸七分刃長二尺三寸濶一寸五分右鍔銀橫為天字一號縱為鍊精皆隸書左橫為乾隆年製亦隸書下為鼓冶

鑄刀形釜為金盤厚二分週飾紅寶石綠松石青
金石相間各四外銜珍珠柄長四寸五分木質纏
明黃絲末鈦鐵塗金周飾紅寶石綠松石青金石
三道銜珍珠繫明黃綾中飾綠松石室長二尺五
寸木質飾金桃皮琫珌皆鍍金花文飾紅寶石綠
松石青金石各一中橫束鍍金二道飾亦如之背
為金提梁左右各飾紅寶石四青金石二綠松石
二繫明黃綾屬於金鐐加革版懸之版亦飾金

皇帝吉禮隨侍佩刀




皇帝吉禮隨侍佩刀 謹按乾隆十五年

欽定吉禮隨侍佩刀鍊鐵為之劍首單刃通長三尺刃
長二尺五寸濶一寸四分中起脊三道背銜金龍
龍口外刃二寸二分近柄鍍銀花文左為神鋒右
為乾隆年製皆隸書蓋為銀盤鍍金花厚二分柄
長四寸八分木質蒙白鯊魚皮橫飾九行中綠松
石兩旁青金石紅寶石相間上圍飾綠松石紅寶
石貫明黃綾室長二尺七寸木質中蒙綠鯊魚皮

旁以鐵皆綴金花文琫珌皆綴銀花文亦飾綠松
石青金石紅寶石

皇帝隨侍佩刀




皇帝隨侍佩刀 謹按

本朝定制

皇帝隨侍佩刀鍊鐵為之通長三尺銜金龍口刃長二尺一寸七分濶九分銓為鍍金龍盤厚二分柄長八寸一分木質纏明黃絲室長二尺五寸木質蒙綠革凡飾皆鍍金花


親王郡王佩刀



親王郡王佩刀 謹按

本朝定制親王郡王佩刀鍊鐵為之通長二尺七寸
刀長二尺二寸五分濶一寸四分釐為鐵盤鍍金
厚二分柄長四寸三分木質纏金黃絲末鈐以鐵
亦鍍金繫金黃綉室長二尺五寸木質髹漆繪五
色蓮花雜飾珊瑚珍珠青金石綠松石惟不得用
東珠


貝勒至入八分公佩刀



貝勒至入八分公佩刀 謹按

本朝定制貝勒至入八分公佩刀柄纏青絲繫石青
綉餘俱如親王郡王佩刀之制


職官佩刀



職官佩刀 謹按

本朝定制職官佩刀鍊鐵為之通長二尺六寸四分
刃長二尺二寸濶一寸三分釜為鐵盤鍍金厚二
分柄長四寸二分木質纏線藍色末鉗以鐵亦鍍
金繫藍綉室長二尺五寸木質裏草飾皆鐵質鍍
金


兵丁佩刀



兵丁佩刀 謹按

本朝定制兵丁佩刀飾皆黃銅餘俱如職官佩刀之制


虎槍營虎槍



虎槍營虎槍 謹按

本朝定制虎槍營虎槍鍊鐵為之通長八尺三寸刃
長九寸圭首中起棱柄長七尺四寸白蠟木為之
柄首橫繫鹿角二長一寸末角鐫刃蒙革囊樺皮
裏繫革帶負之


健銳營雲梯



健銳營雲梯 謹按乾隆十四年

欽定健銳營雲梯規木為之通高二丈二尺旁植木二
中施橫木二十四道上濶一尺二寸下濶二尺每
間一道稍長穿出植木左右首橫木兩端施鐵輪
別以木柄鐵叉二推之

健銳營雲梯刀



健銳營雲梯刀 謹按乾隆十四年

欽定健銳營雲梯刀鍊鐵為之刀長二尺三寸柄長三寸二分飾皆黃銅餘俱如職官佩刀之制


健銳營長槍



健銳營長槍 謹按乾隆十四年

欽定健銳營長槍鍊鐵為之通長一丈三寸刃長九寸
圭首中起棱木柄長九尺圍四寸六分旁銜鐵刃
如刀貼於槍下長一尺四寸濶五分下綴木圓珠
黑髹末鐵鑄長四寸

健銃營鞭



健銳營鞭

謹按乾隆十四年

欽定健銳營鞭鍊鐵為之橫棱如竹節長二尺三寸五分
分釜為鐵盤厚一分五釐柄長六寸圍三寸木質
髹以漆末鈔以鐵室木質裏綠革鍍金飾

前鋒左翼順刀



前鋒左翼順刀 謹按

本朝定制前鋒左翼順刀鍊鐵為之銃首中起脊如
劍形通長一尺二寸刃長八寸濶一寸柄長四寸
木質塗黃油末鈐以鐵室長九寸木質裹革兩端
鈐以鐵中束鐵二道


前鋒右翼順刀



前鋒右翼順刀 謹按

本朝定制前鋒右翼順刀鍊鐵為之銳首中不起脊
通長一尺一寸刃長八寸濶一寸梨木柄長三寸
末鉗以鐵繫藍綾室長九寸木質裏草近口束鐵


前鋒左翼鑣



前鋒左翼鑣 謹按

本朝定制前鋒左翼鑣鍊鐵為之形如鋤刃削背俯
橫置柄首自刃至背五寸八分榆木柄長一尺三
寸圍二寸二分末穿孔繫藍綾


前鋒右翼鑣



前鋒右翼鑣 謹按

本朝定制前鋒右翼鑣鍊鐵為之形如左翼鑣而闊
橫置柄首自刃至背五寸樺木柄長一尺二寸圍
二寸末裏煖木皮亦穿孔繫藍綾


前鋒左翼斧



前鋒左翼斧 謹按

本朝定制前鋒左翼斧鍊鐵為之刃如半月背削而脩刃徑四寸鍔銀龍火珠背濶一寸一分自刃至背四寸五分橫置柄首榆木柄長一尺二寸圍二寸四分末鉗以鐵

前鋒右翼斧



前鋒右翼斧 謹按

本朝定制前鋒右翼斧鍊鐵為之刃平背微狹刃濶
三寸四分背濶二寸自刃至背三寸二分橫置柄
首樺木柄長一尺圍三寸末裏煖木皮穿孔繫藍
綾


護軍驍騎長槍



護軍驍騎長槍 謹按

本朝定制護軍驍騎長槍鍊鐵為之通長一丈三尺
七寸刃長一尺一寸銚為鐵盤厚二分下注朱髹
木柄長一丈二尺二寸末鐵鑄長四寸護軍驍騎
二人合給長槍一

藤牌營藤牌



藤牌營藤牌 謹按戚繼光紀效新書圖長二色

其來尚矣主衛而不主刺國初木加以革重而不
利步以藤為牌近出福建銃子雖不能隔而矢石
鎗刀皆可蔽所以代甲冑之用茅元儀武備志老
粗藤如指用之為骨藤篾纏聯中心突向外內空
庶箭入不及手腕也週簷高出雖矢至不能滑泄
及人內以藤為上下二環以容手肱執持

本朝定制藤牌營藤牌編藤為之形圓中凸簷徑二

尺六寸高八寸采繪虎頭中綴朱纓背施鐐二以
挽之漢軍藤牌營每旗百直省綠營各隨其地有
差

藤牌營劊刀



藤牌營劓刀 謹按宋書宗越傳刀楯步出挺身
單戰景祐集韻劓劓也茅元儀武備志近世南兵
率用圓牌而間之以腰刀

本朝定制藤牌營劓刀鍊鐵為之形如佩刀通長二
尺八寸刃長二尺二寸濶一寸銚為鐵盤厚二分
柄長五寸八分木質髹朱末鈗以鐵繫藍綾漢軍
藤牌營每旗百直省綠營各隨其地有差


藤牌營挑刀



藤牌營挑刀 謹按

本朝定制藤牌營挑刀鍊鐵為之通長七尺六寸二分刃長二尺二寸濶一寸五分上銳而仰登為鐵盤厚二分柄長五尺圍四寸六分木質髹朱末鐵鐔長四寸漢軍藤牌營每旗五十直省綠營各隨其地有差

漢軍連勒棒




漢軍連枷棒 謹按杜佑通典衛公兵法守城篇
曰連枷如打禾連枷狀用打女牆外上城敵人宋
史狄青傳馬上縱鐵連枷擊之茅元儀武備志本
出西戎馬上用之以敵步兵其狀如農家打麥之
枷以鐵飾之利於自上擊下

本朝定制漢軍連枷棒規木為之左右雙持棒長一
尺五寸八分枷長七寸五分圍俱二寸五分皆塗
黃油兩端鉗以鐵首各加鐸以鐵索相連為一具

漢軍每佐領四直省綠營各隨其地有差


漢軍鹿角



漢軍鹿角 謹按魏志徐晃傳鹿角十重晉書馬
隆傳地廣則為鹿角車營南史韋叡傳樹鹿角為
城

本朝定制漢軍鹿角規木為之橫木一丈八尺圍四
寸斜木八長五尺五寸圍一寸五分皆貫橫木當
斜木之半首末相屬塗以黃油漢軍每佐領一直
省綠營各隨其地有差


金



金 謹按六韜凡領軍者必有金鼓之節唐六典
金之制有四一曰鐃二曰鐃三曰鐃四曰鐃

本朝定制金範銅為之面平徑一尺五寸三分深二
寸旁穿二孔以繩繫於木柄提之擊以椎形如瓜
以韋為之末穿藍綾漢軍鳥槍營每旗五直省綠
營各隨其地有差

鼓



鼓 謹按詩小雅鉦人伐鼓司馬法奏鼓輕舒鼓
重周髀經萬人之將執大鼓吳子一鼓整兵二鼓
習陳三鼓趨食四鼓嚴辦五鼓就行李筌太白陰
經警嚴鼓十二面

本朝定制鼓木匡冒革面徑一尺六寸二分中圍一
尺八寸二分厚七寸二分面繪龍匡綠緣朱繪花
文上下銅釘二層匡半銅鑲四承以槩朱架高三
尺五寸五分四柱相距二尺七分繪花文柱半各

以銅鈎附環平懸之柱端刻花文高四寸四分下
橫木交十字以樞合之擊以雙木椎漢軍烏鎗營
每旗一直省綠營各隨其地有差

海蠡




海蟲 謹按

本朝定制海蟲割蟲吹之以為進止之節凡

大閱設親軍海蟲十二於纛前設傳令海蟲於臺下
前鋒營左右翼各八護軍營每旗三十六驍騎營
每叅領二佐領一火器營隨礮每旗五鳥槍護軍
驍騎十四藤牌營每旗五直省綠營各隨其地有
差

綠營偃月刀



綠營偃月刀 謹按王充論衡當與刀劍偃月鉤
為比茅元儀武備志偃月刀以之操習示雄實不
可施於戰陳也

本朝定制綠營偃月刀鍊鐵為之通長七尺刀長二
尺四寸五分上豐而仰背為岐刃銜以龍口高一
寸五分釜為鐵盤厚二分柄長四尺二寸八分圍
五寸二分木質髹朱末鐵鑄長四寸


綠營撲刀



綠營撲刀 謹按劉熙釋名短刀曰拍髀帶時拍
髀旁也又曰露拍言露見也

本朝定制綠營撲刀鍊鐵為之通長一尺九寸二分
刃長一尺四寸上濶二寸四分下半之釜為鐵盤
厚二分柄長五寸木質纏紅黃草末鈔以鐵繫藍
綫

綠營斬馬刀




綠營斬馬刀

謹按王應麟玉海熙寧五年作坊

造斬馬刀長三尺餘首為大環上出以示蔡挺挺奏制作精巧便於操擊戰陳之利器也

本朝定制綠營斬馬刀鍊鐵為之形如佩刀而長通長四尺八寸刃長三尺四寸濶一寸五分釜為鐵盤厚二分柄長一尺三寸八分木質纏紅黃草末鈔以鐵繫藍綵室長三尺五寸木質裹草髹朱飾以鐵

綠營長刀大刀



綠營長刀大刀 謹按茅元儀武備志長刀倭奴之製甚利於步刀長五尺

本朝定制綠營長刀大刀鍊鐵為之通長五尺一寸刃長三尺三寸濶一寸五分柄長一尺八寸室長三尺四寸髹以漆餘俱如斬馬刀之制

綠營寬刃大刀



綠營寬刃大刀

謹按茅元儀武備志掉刀刃首

上濶長柄施鑄

本朝定制綠營寬刃大刀鍊鐵為之形如偃月刀而無岐刃通長六尺九寸二分刃長二尺五寸上濶三寸下半之銎為鐵盤厚二分柄長四尺圍四寸六分木質髹朱末鐵鑄長四寸

綠營寬刃刷刀




綠營寬刃刷刀

謹按

本朝定制綠營寬刃刷刀鍊鐵為之通長四尺六寸二分刃長二尺四寸上濶二寸四分下濶一寸四分分釜為鐵盤厚二分柄長二尺二寸圍三寸一分木質纏紅藍線末鉗以鐵


綠營雙手帶刀



綠營雙手帶刀 謹按

本朝定制綠營雙手帶刀鍊鐵為之形如斬馬刀而微短通長四尺二寸二分刃長二尺七寸濶一寸五分釜為鐵盤厚二分柄長一尺五寸木質纏紅藍線末鈔以鐵室長二尺八寸木質裹綠草飾以鐵

綠營背刀



綠營背刀 謹按

本朝定制綠營背刀鍊鐵為之形如斬馬刀而短通
長三尺一寸二分刃長二尺三寸濶一寸三分釜
為鐵盤厚二分柄長八寸木質纏綠線末鉗以鐵
繫藍綉室長二尺四寸木質髹朱飾以鐵


綠營片刀



綠營片刀 謹按

本朝定制綠營片刀鍊鐵為之通長七尺一寸二分
刃長二尺濶一寸三分上銳而仰銎為鐵盤厚二
分柄長四尺七寸圍四寸木質槩朱末鐵鑄長四
寸


綠營虎牙刀



綠營虎牙刀 謹按

本朝定制綠營虎牙刀鍊鐵為之形如寬刃大刀而
上銳通長五尺四寸二分刃長二尺七寸濶一寸
一分釜為鐵盤厚二分柄長與刃等圍三寸七分
木質槩朱末鐵鑲

綠營窩刀



綠營窩刀 謹按茅元儀武備志倭刀所用刀制略同但短而重程宗猷少林棍法闡宗倭刀竹節鞭同一類

本朝定制綠營窩刀鍊鐵為之形如佩刀通長三尺四寸二分刃長二尺六寸濶一寸銚為鐵盤厚二分柄長八寸木質縛藤或纏草髹綠末鈗以鐵繫藍綉室長二尺七寸木質裹綠草飾以鐵

綠營船尾刀



綠營船尾刀 謹按

本朝定制綠營船尾刀鍊鐵為之形如寬刃大刀而
上銳通長三尺四寸二分刃長二尺二寸濶一寸
釜為鐵盤厚二分柄長一尺二寸圍三寸一分木
質髹朱末鐵鍍

綠營割刀



綠營割刀 謹按茅元儀武備志鉤鑷刀濶一寸
舟中或割其繚或勾其船或割其棚間繩索刀彎
而利乃得實用

本朝定制綠營割刀鍊鐵為之形如刈鉤通長五尺
二寸刀橫長一尺四寸濶一寸前曲而俯筌長二
寸柄長五尺圍三寸一分木質髹朱

綠營繚風刀



綠營繚風刀 謹按

本朝定制綠營繚風刀鍊鐵為之形如割刀刃綢柄
脩通長一丈二寸刃橫長一尺濶一寸銚長二寸
柄長一丈圍三寸一分木質髹朱

綠營長槍



綠營長槍 謹按衛公兵法聽角第二聲諸隊一時捺槍第三聲舉槍第四聲籠槍唐書羅士信執長槍立於馬上通鑑宋紀吳璘疊陣法每戰以長槍居前

本朝定制綠營長槍鍊鐵為之通長一丈四尺刃長七寸柄長一丈三尺圍三寸七分木質髹朱注朱髹末鐵鑄長三寸

綠營火燄槍



綠營火燄槍 謹按

本朝定制綠營火燄槍鍊鐵為之通長六尺六寸直
刃上出旁刃十為火燄形中空如環筌長四寸柄
長五尺五寸圍四寸木質髹朱末鐵鑄長四寸

綠營鉤鑣槍



綠營鉤鑣槍 謹按六韜飛鉤長八寸鉤芒長四寸柄長六尺以上千二百枚大鑣長七尺以上三百枚茅元儀武備志鐵鉤槍挨牌而進甚利

本朝定制綠營鉤鑣槍鍊鐵為之通長七尺二寸刃長八寸上銑旁刃曲向內徑二寸柄長六尺圍四寸木質髹朱末鐵鑄長四寸

綠營雙鉤鑣槍



綠營雙鉤鑣槍

謹按劉熙釋名鉤鑣兩頭曰鉤

中央曰鑣或推鑣或鉤引用之之宜也杜佑通典
鉤竿如槍刃兩旁有曲刃可以鉤搭

本朝定制綠營雙鉤鑣槍鍊鐵為之兩旁刃曲向內
餘俱如鉤鑣槍之制柄長七尺圍二寸七分木質

裏樺皮


綠營虎牙槍



綠營虎牙槍 謹按

本朝定制綠營虎牙槍鍊鐵為之通長九尺一寸刃
長七寸圭首起棱兩旁短刃向內如虎牙各一寸
七分注朱檠柄長八尺圍二寸八分木質髹朱末
鐵鑄長四寸

綠營蛇鑊槍



綠營蛇鑱槍 謹按

本朝定制綠營蛇鑱槍鍊鐵為之通長七尺二寸刃
長八寸圭首下綑兩旁橫刃三折如蛇行徑七寸
柄長六尺圍四寸木質髹朱末鐵鑄長四寸


綠營雁翎槍



綠營雁翎槍 謹按

本朝定制綠營雁翎槍鍊鐵為之通長七尺二寸刃
長八寸圭首下平兩旁刃如雙鉤鑣槍而濶徑五
寸柄如蛇鑣槍之制

綠營十字鑰槍



綠營十字鑣槍 謹按

本朝定制綠營十字鑣槍鍊鐵為之通長四尺六寸
直刃長六寸橫刃徑一尺皆圭首相交如十字形
柄長四尺圍三寸一分木質髹朱

綠營火鑪槍




綠營火鑷槍 謹按茅元儀武備志火槍柄長六尺槍頭長尺許木柄下有鐵鑽兩邊叉上作鉤鑷夾槍有二噴筒用時先放一筒藥線引轉復放一筒完即作短兵此槍有二噴筒故名火槍頭長尺許槍也兩刃向上鑱也兩刃向下鑱也一器而四用之

本朝定制綠營火鑷槍鍊鐵為之通長九尺二寸管長八寸以受火藥管端橫鐵兩末加刃一前一却

前刃為槍長四寸却刃為鑣長三寸筌長四寸周
傳小筭四各長二寸以藏蒺藜下鉗以鐵柄長八
尺徑三寸一分攢竹髮朱

綠營梨花槍



綠營梨花槍 謹按茅元儀武備志用梨花一筒
繫於長槍之首臨敵時用之一發可遠去數丈火
盡槍仍可以刺賊李全嘗用之以雄山東所謂二
十年梨花槍天下無敵手是也

本朝定制綠營梨花槍通長七尺三寸鍊鐵為雙刀
相並各長五寸旁為橫刃二各徑六寸下施竹筩
長二尺六寸彩繪花文束鐵三道中藏狼烟柄長
三尺八寸圍四寸木質髹朱末鐵鑄長四寸

綠營手槍



綠營手槍 謹按

本朝定制綠營手槍鍊鐵為之通長三尺四寸二分
刃長五寸七分上銳柄長二尺九寸圍一寸七分
攢竹裏樺皮末骨鍛

綠營釘槍



綠營釘槍 謹按戚繼光紀效新書過船釘槍一

百根

本朝定制綠營釘槍鍊鐵為之通長一丈四尺九寸五分刃長一尺上銳以藤縛於柄端柄長一丈四尺圍三寸七分攢竹髮朱

綠營矛



綠營矛 謹按詩秦風公矛塗錞劉熙釋名矛冒也刃下冒矜也諸葛亮集勅作部皆作十折矛以給之

本朝定制綠營矛鍊鐵為之通長一丈一尺刃長七寸上銳中豐下綢如柳葉形柄長一丈圍三寸七分木質髹朱末鐵鑄長三寸

綠營戟




綠營戟

謹按六韜矛戟扶胥七十二具

本朝定制綠營戟鍊鐵為之通長七尺五寸援首三折長一尺一寸胡外曲徑八寸中二觚各橫二寸五分柄長六尺圍四寸木質髹朱末鐵鑄長四寸

綠營雙鐏




綠營雙鐃 謹按宋史兵志楊偕獻所製鐵鐃張

玉傳玉單持鐵鐃出鬪金史烏延查剌傳查剌左
右手持兩鐵鐃鐃重數十觔人號為鐵鐃萬戶茅
元儀武備志四棱者謂之鐵鐃言方棱似簡形

本朝定制綠營雙鐃鍊鐵為之左右雙持通長各二
尺七寸一分五釐鐃長各二尺一寸圭首方棱銓
為鐵盤厚一分五釐重各一觔六兩有奇柄各長
六寸圍三寸木質髹朱末鉗以鐵

綠營雙椎



綠營雙椎 謹按六韜楸杙大鎚重五觔柄長二尺以上百二十具劉熙釋名椎推也許慎說文椎繁也齊謂之撙揆宋書朱齡石傳別齎大鎚

本朝定制綠營雙椎鍊鐵為之左右雙持通長各一尺九寸椎圍各六寸形如瓜棱重各一觔三兩柄各長一尺三寸圍二寸五分木質髹朱繫藍綉


綠營馬叉



綠營馬叉 謹按六韜方胄兩枝鐵叉柄長七尺
以上三百枚明會典軍器局造馬軍叉俞大猷劔
經馬叉者中上可叉人下可叉馬

本朝定制綠營馬叉鍊鐵為之通長六尺六寸中刃
長一尺二寸圭首兩旁刃岐出各橫四寸縱一尺
銚穿鐵盤三相擊作聲柄長五尺圍四寸木質髹
朱末鐵鑄長四寸


綠營鳳翅攢



綠營鳳翅攢 謹按

本朝定制綠營鳳翅攢鍊鐵為之通長七尺一寸直
刃如戟長七寸橫刃如蛇鑷徑一尺二寸銚穿鐵
盤三相擊作聲柄長六尺圍四寸木質髹朱末鐵
鐔長四寸


綠營五齒攬



綠營五齒攬 謹按

本朝定制綠營五齒攬鍊鐵為之形如馬叉而旁多
二刃餘俱如馬叉之制

綠營月牙鉞



綠營月牙鉞 謹按戚繼光紀效新書鉞自有倭
時始用乃軍中最利者茅元儀武備志鉞上用利
刃橫以彎股刃用兩鋒中有一脊仍用一釘闕之
本朝定制綠營月牙鉞鍊鐵為之通長四尺三寸八
分中刃長四寸八分上銳兩旁刃如月上弦距五
寸柄長三尺九寸圍四寸木質髹朱


綠營通天鉞



綠營通天鉈 謹按茅元儀武備志扒以木為之
而外施鐵

本朝定制綠營通天鉈劓木為之通長七尺中為主
首長一尺橫為半規皆塗銀兩旁施鐵齒上下各
三各長一寸四分柄長六尺圍四寸六分髹朱


綠營長柄斧



綠營長柄斧 謹按六韜大柯斧刃長八寸重八
觔柄長五尺以上千二百枚一名天槌唐書李嗣
業傳以陌刀長柯斧堵進所向無前

本朝定制綠營長柄斧鍊鐵為之自背至刃八寸五
分刃徑七寸背徑四寸厚一寸橫置柄首柄長四
尺圍四寸木質髹朱

綠營雙斧




綠營雙斧

謹按

本朝定制綠營雙斧鍊鐵為之左右雙持刃如半月
背方刃徑各四寸六分背徑一寸五分厚四分自
刃至背各四寸五分重各一觔橫置柄首柄各長
一尺六寸圍三寸一分木質髹朱

綠營雙鉞



綠營雙鉞 謹按劉熙釋名鉞豁也所用莫敢當
前豁然破散也

本朝定制綠營雙鉞鍊鐵為之左右雙持刃如半月
背圓而俯刃徑各四寸六分背徑二寸四分厚四
分自刃至背四寸七分橫置柄首柄如雙斧之制

綠營三鬚鉤



綠營三鬚鉤

謹按茅元儀武備志撩鉤三筭長

一丈五尺鬚用三勾

本朝定制綠營三鬚鉤鍊鐵為之通長一丈五尺七寸鉤各長七寸分置三面下曲如雞距竹柄長一丈五尺圍一寸八分髹朱束藤八道

綠營鐵挽



綠營鐵挽 謹按

本朝定制綠營鐵挽鍊鐵為之形如鋤長五寸斜置
柄首竹柄長一丈二尺圍三寸二分

綠營犁頭鐮



綠營犁頭鏢 謹按後漢書注通俗文曰刀鋒曰鏢或省作鏢茅元儀武備志斗手遇賊則上斗用犁頭鏢下射

本朝定制綠營犁頭鏢鍊鐵為之形如犁通長三尺五寸刃長五寸上銳下濶三寸柄長三尺圍四寸木質髹朱

綠營鐵斗鏢



綠營鐵斗鏢 謹按茅元儀武備志小鏢重四兩
首徑六分擲之如雨

本朝定制綠營鐵斗鏢鍊鐵為之通長三尺四寸刃
長四寸上銳兩旁曲刃向內徑二寸七分柄長三
尺圍二寸七分木質髹朱

綠營棒



綠營棒

謹按史記天官紫宮右三星曰天棓晉

宣帝教諸圉上守者皆作棒人一枚魏書尔朱榮
傳人馬逼戰刀不如棒茅元儀武備志今之棍即
古之桿棒白棒也

本朝定制綠營棒規木為之長五尺四寸圍四寸六
分通髹黃兩端鉗以鐵

綠營虎頭棒



綠營虎頭棒 謹按

本朝定制綠營虎頭棒規木為之長四尺圍四寸六分通髹黃繪虎文

綠營盾




綠營盾

謹按詩秦風龍盾之合毛傳畫龍其盾

也

本朝定制綠營盾削木為之長二尺六寸上濶一尺
六寸下濶一尺三寸通髹藍繪龍首背髹朱橫木
二道繫藤挽之

綠營虎頭牌



綠營虎頭牌

謹按王應麟玉海元魏以虎頭楯

破蠕蠕

本朝定制綠營虎頭牌木質蒙草長二尺九寸上濶
一尺五寸下濶一尺一寸面繪虎頭雙爪背橫木
二道挽之

綠營燕尾牌



綠營燕尾牌

謹按茅元儀武備志燕尾牌其長

與手牌相似但濶不滿尺背如鯽魚以柁木桐木
為之

本朝定制綠營燕尾牌削木為之上正方下歧出如
燕尾長二尺三寸濶九寸通髹藍面繪虎頭雙爪
背髹朱穿帶挽之

綠營挨牌



綠營挨牌 謹按茅元儀武備志挨牌亦用白楊木為之每面長五尺濶一尺五寸用繩索及木橄欖挽之

本朝定制綠營挨牌削木為之長六尺四寸上為仰月形濶二尺四寸下濶一尺八寸通髹黃繪虎頭雙爪背髹朱穿帶挽之

綠營圓木牌



綠營圓木牌

謹按唐書黠戛斯傳以圓盾傳肩

可捍矢刃

本朝定制綠營圓木牌削木為之圓徑二尺一寸中
髹藍繪虎頭週髹紅加黃斑文背亦髹朱繫藤挽
之

綠營戰被



綠營戰被 謹按

本朝定制綠營戰被墨色布為之凡三等長一丈至一丈五尺濶一丈至一丈二尺面繪飛虎週以火
燄中敷以棉背綴草以挽之


綠營滾被



綠營滾被 謹按

本朝定制綠營滾被藍布為之長五尺五寸濶四尺
背綴草繫藤以挽之餘俱如戰被之制

綠營滾被雙刀



綠營滾被雙刀 謹按

本朝定制綠營滾被雙刀左右雙持通長各二尺一寸一分刃長一尺六寸濶一寸銚為半規厚二分並納於室柄長四寸九分木質纏紅絲末鉗以鐵繫藍綉室長一尺七寸木質裹草飾以銅繫藍綉以銅鉤佩之


武科弓



武科弓 謹按

本朝定制武科弓徑三尺七寸鹿皮弦分為三等一
等十二力次十力次八力視所挽以較力復有強
弓六自十三力至十八力能挽者聽


武科刀



武科刀 謹按

本朝定制武科刀制如偃月刃刃及柄俱以鐵下圓
如椎末為鐫亦分三等一等重百二十觔長八尺
一寸五分次百觔長七尺八寸七分次八十觔長
七尺四寸視所舉以較力

武科石



武科石 謹按

本朝定制武科石形如方礎左右鑿孔以容手亦分三等一等重三百觔高一尺七寸八分濶一尺三寸厚八寸次二百五十觔高一尺六寸濶一尺八分厚七寸六分次二百觔高一尺五寸濶一尺五寸厚七寸視所舉以較力

皇朝禮器圖式卷十五



總校官庶吉士臣侍 朝

校對官助教臣胡予襄

謄錄監生臣何需霖

繪圖監生臣戴禹汲